



Aatsitassanut Ikummatissanullu Pisortaqarfik  
Att.: Frants Torp Madsen

E-mail: ftma@nanoq.gl

**London Mining Greenland A/S-ip misissuinissamut akuersissutip 2009/16-ip (Isua) sumiiffiata annertusineqarnissaa pillugu qinnuteqaataanut tunngatillugu tamanut ammasumik tusarniaanermut IAAN-ip tusarniaanermut akissuteqaataa.**

06. mar 2012  
Sagsnr. 2012-062882  
Dok. Nr. 844794

Postboks 909  
3900 Nuuk  
Tlf. (+299) 34 50 00  
Fax (+299) 34 54 10  
E-mail: iaan@nanoq.gl  
www.nanoq.gl

Aatsitassanut Ikummatissanullu Pisortaqarfiup London Mining Greenland A/S-ip misissuinissamut akuersissutip 2009/16-ip (Isua) ataani 2012-imi ingerlatassanik akuersissuteqarnissaaq pillugu qinnuteqaataa tamanut ammasumik tusarniaassutigalugu nassiup-paa.

Ineqarnermut, Attaveqarnermut Angallanermullu Naalakkersuisoqarfik (IAAN) tusarniaanermut najoqqutassanut matuma kingulianiittunik oqaaseqaatissaqarpoq.

**Attaveqarnermut allaffiup oqaaseqaatai**

IAAN-ip maluginiarpaa misissuinermit suliasamut atatillugu attaveqarnermi sanaartugassat tutaat pilersaarutigineqartut, ilanngullugit ilaatigut talittarfiit, aqqusernit biilerfiusartussat aamma ikaartarfik. IAAN-ip paasinninnera malillugu sanaartugassanut taakkununga atatillugu pilersarusiornissamut, sanaartornissamut, aserfallatsaaliuinissamut aammalu nakkutilliinissamut akisussaaffik Aatsitassanut Ikummatissanullu inatsit naapertorlugi pisussaavoq, taamaattumillu tamanna Aatsitassanut Ikummatissanullu Pisortaqarfiup ataani inissisimasoq. IAAN tamanna tunngavigalugu attaveqarnermut suliasanut taakkununga tunngatillugu allanik oqaaseqaatissaqanngilaq.

Tusarniaanermut najoqqutassani sanaartugassat aamma qulimiguulinnut mittarfiit ator-neqarnissaasa eqqaaneqarnerannut tunngatillugu, Angallanermut Aqutsisoqarfik suliasaqarfirmut oqartussaasuusooq IAAN -ip innersuussutigissavaa.

Qinnuteqaatip immikkoortuani asimi suliaqarnermut maleruagassanut tunngasumi ilaatigut allassimavoq:

”Asimi maleruagassani ilaatigut qulequttat makkua aamma inatsisitigut maleruagassin-eqarput: Timmisartorneq, biilnik ingerlaarneq aamma imaatigut angalaneq”.

IAAN-p paaserusuppaa, matuma siuliani oqaatigineqartumi, sumiiffimmi misissuiffiusus-sami umiarsuarmik, timmisartunik aamma nunami qamutunik motoorilinnik angalaarneq Aatsitassanut ikummatissanullu inatsimmi maleruagassaqartinneqartut paasisariaqar-nersoq.

Kiisalu IAAN-ip maluginiaqqussavaa suliaqartussat akuersissummik pissarsiniaqqaaratik Kalaallit Nunaanni sinerissami timmisartornissamik kissaateqartut, IAAN-ip aamma A-ngallanermut Aqutsisoqarfiup tamatumunnga suleriaasii naapertorlugit, Angallaner-

mut Aqutsisoqarfimmit aamma Kalaallit Nunaanni Namminersorlutik Oqartussanit timmi-sartuussinissamut akuersissummik peqartussaammata.

**Silap Pissusaanut Nukissiuuteqarnermullu allaffiup oqaaseqaatai**

Akuersissummik tunniussilinnginnermi Isuani pilersitsineri tunisassiornermilu najukkami nunarsuarmilu silap pissusaatigut sunniutaasussat paasinarsisinneqaqqaassasut Silap Pissusaanut Nukissiuuteqarnermullu allaffiup kaammattuutigaa.

London Mining-ip avatangiisitigut inuiaqatigiillu aningaasaqarneranni sunniutaasussanik nalilersuinerani erseqqissarneqarpoq, tamanna silap pissusaanut annertuumik pingaarutilimmik sunniuteqarnavianngitsoq. Silap Pissusaanut Nukissiuuteqarnermullu allaffiup piumasaqaatigaa taamatut oqariatuuteqarneq annertunerusumik uppersassuseqarnera uppersarsineqartariaqartoq. Gassit silaannarmik kissatsitsisartut soorlu Short-lived Climate Forcers (SLCF), assersuutigalugu paaq aamma metan, impact assessment-imik misissuineri ilanngullugu eqqarsaatigineqartariaqarpoq. Gassit silaannarmik kissatsitsisartut aamma SLCF sikup najukkami aakkiartorneranut, sumiiffinni issittuniittuni kisakkiartorneranut, najukkami silaannaap pitsaassusaanut aammalu innuttaasut peqqissusaannut sunniuteqartarput. Taamaattumik kaammattuutigineqarpoq gassinik silaannarmik kissatsitsisartunik aamma SLCF-imik aniatitsinernit sunniutaasussat erseqqinnerusumik qulaajarneqassasut.

Silap Pissusaanut Nukissiuuteqarnermullu allaffiup kaammattuutigaa, sanaartornermut ingerlatassanik akuersissuteqalernermit atatillugu aamma London Mining-imut kingusinnerusukkut piiaanissamik akuersissummik tunniussilernermi sunniutaasussat eqqarsaatigineqassasut. Naatsorsuinerit Kalaallit Nunaanni Naatsorsueqqissaartarfimmik suliarineqartut – London Mining-imit paasissutissat tunngavigalugit – malillugit sanaartornermut immikkoortumi aammalu tunisassiornermut immikkoortumi nukissiamik atuinis-saq naatsorsuutigineqartoq tassaavoq:

Ukiumoortumik nukissiamik atuinissaq  
naatsorsuutigineqartoq

		Sanaartornermut mikkoortoq 2013-2015	im-Tunisassiornermut immikkoortoq 2016-2030
Arctic	Diesel	15.000	210.000
(m <sup>3</sup> )			
Jet-Fuel	(m <sup>3</sup> )	-	1.625

Kisitsisini London Mining-ip ukiumut atuinissatut naatsorsuutigisai tunngavigineqarput

Tamatumalu kingunerisaanik nukissiamik atuinermi ukiumut aniatitsineq naatsorsuutigineqarpoq:

Sanaartornermut immikkoortoq 2013-2015	Tunisassiornermut immikkoortoq 2016-2030
--	--

Arctic Diesel (Gg CO <sub>2</sub> e)	39,1	547,5
Jet-Fuel (Gg CO <sub>2</sub> e)	0,0	4,0
<b>Katillugit (Gg CO<sub>2</sub>e)</b>	<b>39,1</b>	<b>551,6</b>

Isuani aatsitassarsiorfimmi sanaartornermut immikkoortumi tassa 39,1 Gg CO<sub>2</sub>-nnguuttartut aammalu tunisassiornermut immikkoortumi 551,6 Gg CO<sub>2</sub>-nnguuttartut aniatinneqartussaapput. Tassunga assersuullugu Kalaallit Nunaanni 2009-imi gassit silaannarmik kissatsitsisartut ataatsimut katillugit 632,83 Gg CO<sub>2</sub>e-it aniatinneqarput. Tassalu imaappoq Isuani aatsitassarsiorfimmi 2009-imi Kalaallit Nunaat tamakkerlugu CO<sub>2</sub>-nnguuttartunik aniatitsinerup annertoqqatigigajalluinnagaanik aniatitsisoqartussaavoq.

Kalaallit Nunaat ukiuni kingullerni 20-imi ataavartumik nukissiuutinut annertoosuarmik aningaasaliisimavoq, aammalu Naalakkersuisut politikkerat, aatsitassarsiornermi ingerlatat sapinngisamik annikinnerpaamik silap pissusaanut sunniuteqartumik ingerlanneqartassasut. Tamanna ilaatigut isumaqarpoq aatsitassanik paaaneq piujuartussamik ineriartortitsinissamut nunani tamalaani malitassanut tunngaviusunullu naapertuuttumik pisassasoq, tassani ilaallutik Best Available Techniques (BAT) aamma Best Environmental Practices (BEP). Taamaattumik Silap Pissusaanut Nukissiuuteqarnermullu allafiup kaammattuutigissavaa, paaanissamik akuersissummik tunniussinnginnermi pissutsit makkua misissorneqassasut:

1. Isuani aatsitassarsiorfimmi nukissiuutinik ataavartunik atuinissamut periarfissat suuppat?
2. Nukissiuutinik ataavartunik atuisoqassanngippat piumasarineqassaaq, innaallagissiorfiit dieselitortut najukkami aamma nunarsuarmi silap pissusaanut qanoq sunniuteqassanersut annertuumik misissueqqissaartoqassasoq. Tassunga ilanngullugu innaallagissiorfinnit SLCF silap pissusaanut, silaannaap pitsaassusaanut aamma innuttaasut peqqissusaannut qanoq sunniuteqassanersoq paasinarsinneqassalluni.

### **Nuna tamakkerlugu pilersaarusionermit immikkoortortamit oqaaseqaatit**

Teknikkimut aamma Nuna tamakkerlugu pilersaarusionermit immikkoortortaqrarfiup paasivaa, Nunatta Katersugaasivia Atuagaateqarfialu itsarnitsanut il.il. tunngatillugu qartiterutissanik atuinissamut tunngasumik akissuteqaateqarsimasoq, taamaattumik immikkoortortaqrarfiup naatsorsuutigaa Aatsitassanut Ikummatissanullu Pisortaqrarfik inatsisitigut maleruagassanut tunngavissat atuuttut malillugit allaffissornikkut aqutsissasoq.

Teknikkimut aamma Nuna tamakkerlugu pilersaarusionermit immikkoortortaqrarfiup maluginiarpaa salinissamut, eqqagassalerinissamut il.il. piunasaqaatit, aqquusernit aamma umiarsualiviit pineqartillugit, misissuinermit tunngasunut naleqqiullugu, sukumiinerusumik piunasaqaatitaqartatut.

Inussiarnersumik inuulluaqqusillunga

Asbjørn Rosager  
Toqq/direkte 345113  
asro@nanoq.gl